

咸淳臨安志

二十八







咸淳臨安志



咸淳臨安志卷之七十三



祠祀三

古神祠

大禹祠

在錢湖門內

周赧王廟

在錢塘縣崇化鄉觀山

見餘杭高岡福善王廟

防風氏廟

在廉德鄉朱奧村

父老相傳鄉民祈求田蚕之所不知何代所立按郡縣志防風

氏居金鵝山隋志載金鵝山在今餘杭縣國語載吳伐越墮會稽獲骨大可專車吳使人問於孔子

百三十三

咸淳臨安志卷七十三

吳文煥

孔子謂昔禹致羣臣於會稽之山防風氏後至禹戮之其骨節專車

申將軍廟

在臨平斗門橋北三十步

鄉民祈求田蚕古祠父老相傳為楚申明父白

公作亂楚王命明伐之白公殺其父後人為立祠

漢留侯祠

在吳山

端平元年萬殿帥文勝重建

漢蕭相國祠

在定民坊

一在良山門外

賜額靈護

周絳侯廟

在臨平鎮晉建武元年侯裔孫卓卜居臨平鄉之



大姓俞氏因即其地祠侯 建炎虜騎犯境鄉民  
環廟爲柵以守虜仰視旌旗蔽空書曰漢絳侯周  
勃皆羅拜遁去自是靈異著聞雨暘蝗疫有禱必  
應 朝廷下其事奉常見議封爵

### 顯忠廟

在長生老人橋西俗名霍史君廟 紹興間建初  
吳主孫皓疾有神降于庭自言爲漢霍光求立祠  
於金山之鹹塘以扞水患見於吳越王所紀 宣  
和間賜今額 紹興初加封忠烈順濟昭應王

### 福德衍慶真君廟

在肇元鄉昇平里地名吳下世傳爲吳呂蒙

### 曹王廟

在長樂鄉像光湖南金奧村相傳爲曹子建

### 土俗諸祠

### 顯應廟

在府治即淨因寺土地也 寶祐五年 賜廟額  
曰顯應 咸淳元年封正佑侯五年安撫潛說友  
請于 朝加封安福

### 翼靈廟

在府治相傳爲永福鎮安王 咸淳三年洪安撫



燾重建廟五年潛安撫說友請于 朝以翼靈為額

### 旌忠廟

在天慶坊神一姓趙名廷翰一姓馬名仁瑀係殿前指揮使左右班

藝祖皇帝開基翊衛有功廷翰領彰國軍節度使卒贈侍中仁瑀為朔州觀察使知瀛州卒贈河中軍節度使廟食於杭莫知所自始 景定五年兩浙運司以耆老之請上于 朝得賜額曰旌忠

### 金華將軍廟

二二八

咸淳縣志卷七十三

二

吳

在豐豫門內涌金池前神姓曹名杲真定人仕後唐為金華令時郡兵叛神以計平之吳越王嘉其功就擢婺守 國初錢氏來朝委以國事嘗即城隅浚三池曰涌金邦人德之為立祠池上 嘉泰辛酉京城災反風垂應境內無虞耆老以神赫靈而廟弗稱乃合力更築 咸淳初李安撫芾又撤而大之且以錢氏涌金池三大字石刻列于廟之右偏

### 廣福廟

在鹽橋神姓蔣世為杭人生 建炎間樂振施每



秋成糴穀預儲貴則賤糶如元賈歲歉或捐以予  
飢者死之日囑其二弟曰湏存仁心力行好事里  
人相與祠其像以報人心所趨靈應如響祈卜者  
肩相摩 咸淳初賜廟額曰廣福六年安撫潛說  
友請于 朝封神及其二弟皆列侯曰孚順孚惠  
孚佑

### 三將軍廟

在潘閭巷

### 嘉應公祠

在百戲巷

今秀義坊

### 通應侯祠

在開道坊錢氏時建

### 護國天王堂

白馬神祠附

在壽域坊口舊傳有力士遇大蛟拔劍斷其首土  
人因置石天王像以鎮之廟元在 太廟室南四  
孟 朝獻并 大禮 駕宿太廟率降香祈禱  
景定五年燬移創糧料院故基

### 玉僊堂

在大隱坊內 咸淳六年安撫潛說友重建

### 石姥祠



舊志據晏元獻輿地志云芳林鄉有石姥祠

吳客三真君廟

在石榴園 乾道九年曹善應建廟係唐葛周三

真君 寶慶間燬

清元真君義勇武安王廟

在西溪法華山 紹興三十二年建 一在半道

紅

華嚴菩薩廟

在林潭

半邏老人廟

二、二十三

咸淳臨安志卷七十三

五

吳

祥符舊志云在縣東北到縣二十七里

霸王廟

在芳林鄉 嘉泰間再建

會靈護國祠

在艮山門外端平橋東土塘上

其祠高僧秀真也 秀真華亭人 號無

隱事見 本門

靈休廟

在城南廂界江岸名七郎堂神係嚴州分水縣弓

兵因方寇擾攘陰衛有功州縣保請于 朝立廟

紹興戊午江湖大作府城醫士葉永年捨屋建祠



雨暘禱輒應

咸淳初賜額

真聖廟

在白塔嶺 咸淳二年建

半山七娘子廟

在臯亭半山

舊傳崇善王妹也

蘇將軍廟

在肇元鄉錢氏建按神東晉驃騎將軍蘇氏崇善

王之麾下

尚將軍廟

在肇元鄉去城四十里元係錢氏建更 建炎兵

少五十一

咸淳臨安志卷七十三

六

吳

火 乾道間再建

義橋前後廟

在肇元鄉按神係崔總管評事等神錢氏建

靈應廟

在肇元鄉按神楊都督係臯亭山崇善王之佐將

奉王廟

在大雲鄉

父老相傳神為晉毛寶廟其舊宅也廟之西有民田五百畝號奉王壩載於官

之版籍民之砧基其舊業也及攷之晉書毛寶傳宅在陽武放龜在武昌守邾城日與石季龍戰死

與錢塘鹽官皆遼絕况奉王之稱傳亦不載今姑傳疑云

福濟王廟



在像光湖西

濟惠二王廟

在像光湖西又一廟在北葛沈村

白龍王廟

在臨平東山之中亦有龍祠在洞側

黑龍王廟

在超山 嘉定間趙忠獻公宰邑禱雨屢驗請于

朝賜通靈為額累封通靈惠應宣濟昭惠侯

東京舊祠

惠應廟

三八十一

咸淳臨安志卷七十三

七

真

即皮場廟在城中者四所一吳山一萬松嶺一侍

郎橋一元真觀按 國朝會要東京顯仁坊皮場

土地神祠 建中靖國元年六月封靈貺侯 崇

寧元年三封公四年閏二月封靈惠王七月加封

靈惠顯通王十月封其配靈婉夫人十一月改封

靈淑夫人 大觀元年十一月改封明靈昭惠王

三月賜額顯靈應感廟及殿名曰享誠昭福 政

和五年七月改賜額曰靈應 南渡初有商立者

携其像至杭舍於吳山看江亭因以為祠都人有

疾者禱必應蓋以其為神農云 紹定四年九月



祠燬聖像儼然獨存

理宗皇帝賜度牒綾帛命即故址創廟 咸淳五

年八月

壽和聖福皇太后降錢修葺十一月王加封顯佑

靈婉加嘉德靈淑加嘉靖按會要神妃初封靈婉未幾改封靈淑止是一

神加封之際乃誤為二小君各給贊書蓋有司止據巫祝之言不復考訂耳

記文伏稽混沌已分太昊始畫八卦一陰一陽之謂道陰陽不測之謂神惟道也生三混成洞

徹於變化惟神也極深研幾妙行乎無有曩自天師偶到衡陽遇耆老言此間有炎帝神靈甚盛遂

入祠視聖像古跡耆老曰乃古神農皇帝於三皇時都曲阜世人食腥羶者率致物故因集天下孝

義勇烈之士二十四人分十二分野播種採藥至今於世極有巨功天師聞言圖畫聖像奏大漢光

咸淳臨安志卷三十三

咸淳臨安志卷三十三

八

吳

武皇帝於建武辛未四月十九日降旨建祠宇

于古洛之東後因河北妖人張角邪逆攻陷邢城

嚮望相州皮場鎮之人虔誠祈禱雨雪並下殺賊

定亂護國顯靈獻帝賜號始曰皮場焉逮唐朝正

觀戊申歲戊午月丙子日應夢見祥遂立祠長安

至五代朝歲寇助順具有聖跡由是顯德戊午歲

乙丑月四日甲戌重建廟於古汴東京顯仁坊暨

二郎祠

我宋列聖褒揚累封整肅廟祀亦惟神之助國

安民昭格威靈不可殫紀蓋與聖朝天長地久

亦至矣皇乎休哉政和乙未歲戊子月十有三  
日丙辰左朝奉郎權發遣荆湖北路提點刑獄公  
事飛騎尉借緜  
銀魚袋周秋記  
在官巷 紹興元年立舊志云東京有祠即清源  
真君



外郡行祠

東嶽廟

一在吳山 大觀中造詳具中興觀紹興七年鄉民合

力重修二十九年乃成 嘉泰四年 淳祐十

二年重建者再 寶祐元年

理宗皇帝賜 御書東嶽之殿四大字

一在西溪法華山 乾道三年建

一在湯鎮順濟宮側 乾道間

德壽宮行幸賜銀帛建五嶽樓 淳祐三年有

旨重修

二八十一

東嶽廟安公卷七十一

九

理宗皇帝賜 御書東嶽行宮東嶽之殿八大

字

廣惠廟

在錢塘門外霍山按 國朝會要神姓張名渤血

食廣德軍之祠山 康定元年始封靈濟王 崇

寧三年賜廟額曰廣惠累封至正佑昭顯威德聖

烈王 寶祐丁巳改封真君凡再加今日正佑聖

烈昭德昌福自祖父以下若弟若子若孫與其婦

皆錫爵有差獨冢子婦曰王曰妃祠創於 乾道

庚寅越二十有五年 紹熙甲寅始成既而有



旨令修內司別為祠於金地山以便祈禱然都人士女競趨霍山不以一關為憚也 景定二年洪

安撫燾 咸淳四年安撫潛說友前後葺治愈加

嚴整云 又有祠在樓霞嶺

記文 慶元丙辰錢塘縣主簿趙師白撰霍山廟者廣德張王之別祠也王以休功顯德敷祐生

民綿歷數千餘載歷代以來罔不優禮而褒崇之暨入國朝慶膺追錫之命增加王號極其榮美

至于王之父母兄弟妃嬪子孫及諸屬媿無不受顯服累嘉封可謂盛矣粵自開迹祠山肇興廟食

邦人兢栗以供祀事凡雨暘疵癘之裁寇攘水火之患

有禱于王疾於響答奇驗異應灼灼駭動人之聞見

抃溺拯危轉禍為福載諸傳記不可殫述光靈之遠

旁加橫被於是離宮行廟金碧丹雘之輝連城跨郡

峩相望焉仰惟帝城四方之極百神受職是翼是衛

規王之神旂所止密拱京甸衆大之區并蒙祉福顧獨

未有揭虔妥靈之地士民相謂不其闕歟 乾道庚寅始卜地于霍山哀金

鳩工營建棟宇規模位置煥然鼎新奉神之休也廟成一不備蓋以便都人之敬而格明神之休也廟成

於 紹熙甲寅正月十二日為費緡錢十萬而判院張宗况施助獨多焉師白兼掌諸祠嘉其成績

因考其顛末而刻之石 又記 慶元丁巳監潭州南嶽廟求梓撰 國家在宥民生天容地鞠修

和輯寧彙盡瘁悉凡為民戕蠹芟獮其大有四曰水旱兵疫凡天下之神贊幽相顯有濟遠功尤祀

與所嚴敬凡郡國鄉邑間以水旱兵疫禱不折報皆得數數旬封于朝以侈神之休橫山祠基於

開聖瀆血食其邦歷梁唐暨揚李二偽國陽隰陰諧擇毛錫幣自水部郎中司農少卿禮部尚書進

僕射丹司徒自廣德侯升公登王雖聯官疊爵猶未顯甚 皇朝康定改元啓封靈濟 宣和二禩增封忠祐 紹興兩加昭烈正順皆以兵旱昭答故臨安歲每涸帥閩遣吏走數百里告波餘露積家懷戶感廼相率得西湖之北偏霍山地誅茅以基洗石以築厥日對升厥山四朝廣殿脩廓嚴嚴



繩絕工始 淳熙己亥而集於積勸之久日者廣  
德累政婁以益美號為奏太常議爵不踰八字竟  
礙法止自躋真王五十七載當 紹興間後郡將  
始遂前請再議援泰江寧例易靈濟為威德命辭  
給誥都人拱 上之賜謂王之靈威神德奚在奚  
亡又相為堅刻謀且屬梓叙顛末其姓氏世次有  
他錄具若歲時牲酒邊豆間陳笙簫合興尚未有  
侑祭辭此大闕典乃系之曰羗北峯既東驚兮長  
湖自西龍雙峙以奮驥兮紛偃蹇其旁圍屹萬楹  
鬱渠渠兮賓浴烏之進騏步崔嵬戴其鞏章兮近  
天尺五袞褒申以寵更兮幸此分其雨露清飗兮  
肅朝旃颺颺兮靈旃馳冕九流兮珮葳蕤鳳鸞前  
道兮駕兩螭靈容與兮恍乎若授以綬觴酒豆兮  
牲在俎登英栗兮品渣脯參差吹兮間笙歌靈孔  
歆兮儼雖雖以愉怡睇橫山兮志遠歸靈往來兮  
兩宮兵歛疫銷兮百穀豐千春萬春兮無終窮

### 仰山二王廟

在觀橋東馬軍司西營舊傳本軍嘗遣兵將官市

咸淳臨安志卷之十一

十一

七

木于杲之分宜值水涸笈滯沙磧乃禱于神丐助  
以巨漲且約建行祠本軍以報既而水夜長三尺  
木盡起其人迎小像二亟返笈已出大江矣甫兼  
旬抵臨安遂即天王堂後為祠以奉香火後營屋  
燬惟祠獨存人尤異之承事惟謹按宜春志二神  
姓蕭氏自西漢著靈世列祀典至我 國朝靈異  
尤著自 大中祥符錫以王公之爵歷 宣和迄  
乾道父母妻及子若婦皆獲美號 開慶己未虜  
犯衡潭至賣卦嶺 景定庚申又迫臨瑞至太平  
市馬皆不能前宜春之境賴以按堵皆二王之功



也明年八月有 旨增封極其褒表 咸淳五年  
十月又易封今為顯德仁聖忠祐靈濟王福德聖  
仁忠衛康濟王祖父母以下與其左右及瀉仰二  
祖師凡列于祠者咸加賚焉

顯佑廟

在仁和縣百萬新倉西神姓陳名果仁常州晉陵  
人仕隋至司徒沈法興謀叛忌司徒威名詭召食  
毒死之忠憤赫靈竟以神矢斃法興唐武德初嘉  
其功廟祀焉以忠烈公御舊名封後梁封福順武烈王  
至後周加以帝號 宣和四年賜常州廟額曰忠

九十八

咸淳臨安志卷七十三

七十一

佑 嘉泰六年臨安以禱雨應乞加封又賜行廟  
額曰顯佑 咸淳四年安撫潛說友以嘗禱雪祠  
下昭答如響乃崇飾廟貌而新之且識其事于壁  
五年會常州士民乞加封又為上之 朝且以前  
代封帝為非禮乞於福順武烈顯佑之上更加二  
字為八字王 詔可之加曰福順武烈顯應昭德  
乃奉 制書馳賜忠佑廟傳以幣板而別為文告  
于行祠

識文

咸淳二年十有二月 上將郊見天地命臣

工祈雪群望說友辱以都曹走顯佑行祠卜  
藏其繇曰黃龍載書蒼龜負圖天下無事帝王錫  
符方隅砥平民物繁夥既而大雨雪雪已乃霽識



事之夕明星有爛三靈顧歆由是歲婁豐四方無  
虞茲固聖主元臣一德不格然神之預告太  
平蓋有不可度思之妙矣四年說友適尹天府乃  
因舊祠藻飾之且闢其闕廡以崇瞻依昭靈貺越  
明年夏五  
既望題

**祝文** 忠佑廟云延陵舊邑方谿山淑清王生其間  
武方亂臣孽萌蠱起懷神方奇禍倏嬰龍亡虎逝  
方眺梁鼯鼯王蓄忠憤方氣于青冥斃以一矢方  
赫然著靈魏魏廟食方迨于唐與功書史策方身  
服寵榮五季分裂方干戈戰爭媚神求逞方神不  
汝聽更王而帝方誣禮弗經好是正直方王胡肯  
膺為臣盡忠方雖死猶生宋德天覆方涵濡八

紘睦妖獠浙方闕覲郡城疇使退道方我有神兵  
曰維忠佑方賜額以旌建炎汜今方拱護帝  
京厥功不一方可書可銘紅衣仆賊方黑捷覆艦  
風電揚威方幟麾現形肅肅陰旅方助我師征蘇  
澤旱暵方屏除蝗螟能令儉歲方化為豐登翁媪  
歌呼方百室其盈京城之北方行祠所營嘉泰

七十一

咸淳縣志卷七十三

十三

文

應禱方顯佑存名聖皇御極方郊禋議行下臣  
承命方來謁祥靈神錫籙繇方預告太平克期

而雪方已雪而晴展采之夕方燦其明星三靈顧  
歆方萬方底寧固有攸召方惟良佐明不可度思  
方亦神足馮迺述顛末方扣于九閔王封八字方  
申畀徽稱恩光焉奕方綸誥崢嶸上眷孔厚方  
王其敬承緘辭馳驛方薦諸廟庭伊常之人方來  
止來迎簫鼓喧喧方牲肥酒馨王欣欣以樂方誕  
慰輿情有引弗替方永福我毗田有滯遺方於千  
震驚翠鸞擁蓋方玉虬連銜時節宴娛方於千萬

鄰封立廟於隋唐而祀典迨于我宋說友比以初  
郊奉朝旨謁行祠申雪禱籙繇響答預告太平  
無言不酬厥靈益顯說友亦既刊石以詔不朽近  
常之士民介郡守言王功適印于心乃述顛末亟  
聞于上於是易帝號以正季代之謬仍王爵以

表大神之忠昭德顯靈微稱萃只誥綸來下恩光  
燁如謹已遣吏緘詞馳送廟下惟行祠在邇盍併  
薦聞王其益庇都民祗答  
上賜則民事王亦永永無斃



靈順廟

即婺源五顯神祠於近郊者凡七

一在南高峯頂榮國寺歲久頽弊 景定間

太傅平章賈魏公捐貲葺而新之 咸淳六年

安撫潛說友即廟後拓地創華光樓旁為射亭

為角觝臺又關山徑而夷之以便登陟是歲都

人辦香致敬者咸趨焉

一在北高峯為景德靈隱禪寺塔廟 嘉定六年

重建 咸淳七年燬見議經營

一在錢塘門外九曲城下 紹興間建

三字

咸淳臨安志卷七十二

十四

一在錢塘縣調露鄉靈感寺 端平二年建

一在候潮門外瓶場灣

一在候潮門外樵木教場之側 端平三年重建

一在錢塘縣徐村新石塘舊有小祠 淳祐九年

江湖衝激里人乞靈其下遂相與治新之

順濟聖妃廟

在艮山門外考之廟記神本莆田林氏女數著靈

異祠于莆之聖堆 宣和五年賜順濟廟額自

紹興二十六年封靈惠夫人 紹熙三年改封靈

惠妃 慶元四年加助順勅曰古以女神列祀典



者若湘水之二妃北阪之陳寶西宮之少女南嶽之夫人以至丁婦滕姑亦皆廟食夫生不出於閨門而死乃祠於百世此其義烈有過人者矣靈惠妃宅于白湖福此閩粵雨暘稍愆靡所不應朕惟望舒耀魄其名月妃川祇靜波其名江妃爾之封爵既曰妃矣增錫美號被之綸渙崇大褒顯凡以為民尚體異恩以永厥祀累封至 嘉熙三年為靈惠助順嘉應英烈艮山有祠自商份感夢始開禧 寶慶一再創建 又有別祠在候潮門外蕭公橋

咸淳臨安志卷七十三 一五

記文

丁伯桂作廟記神莆陽湄洲林氏女少能言人禍福歿廟祀之號通賢神女或曰龍女也

莆寧海有堆 元祐丙寅夜現光氣環堆之人一夕同夢曰我湄洲神女也宜館我於是祠曰聖

堆風 宣和壬寅給事路公允迪載書使高麗中流震于 八舟沉溺獨公所乘神降于檣獲安濟明年

奏于 朝錫廟額曰順濟 紹興丙子以郊典封靈惠夫人逾年江口又有祠祠立二年海寇憑陵

效靈空中風換而去州上厥事加封昭應其年白湖童邵一夕夢神指為祠處丞相正獻陳公俊卿

聞之乃以地券奉神立祠於是白湖又有祠時疫神降且云去潮丈許脉有甘泉我為郡民續命于

天飲斯泉者立痊掘泥坎甘泉涌出請者絡繹朝飲夕愈瓊為井號聖泉郡以聞加封崇福越十有

九載福興都巡檢使姜特立捕寇舟遙禱響應上其事加封善利 淳熙甲辰民葛侯郭禱之隨

未旱朱侯端學禱之庚戌夏旱趙侯彥勵禱之隨禱隨答累其狀聞于 兩朝易爵以妃號惠靈慶元戊午甌閩列郡苦雨莆三邑有請于神獲開霽歲事以豐朝家調發閩禺舟師平大奚寇神著



厥靈霧瘴四塞我明彼晦一掃而滅開禧丙寅  
虜寇淮甸郡遣戍兵載神香火以行一戰花鱗鎮  
再戰紫金山三戰解合肥之圍神以身現雲中著  
旗幟軍士勇張凱奏以還莆之水市朔風彌旬南  
舟不至神為反風人免艱食海寇入境將掠鄉井  
神為膠舟悉就擒獲積此靈貺郡國部使者陸續  
奏聞慶元四年加助順之號威德無窮嘉定元年加顯  
衛之號十年加英烈之號威德無窮嘉定元年加顯  
極不止神雖莆神所福徧宇內故凡潮迎汝送以  
神為心回南歟北以神為信邊防里捍以神為命  
商販者不問食貨之低昂惟神之聽莆人戶祠之  
若鄉若里悉有祠所謂涇洲聖堆白湖江口將其  
大者爾神之祠不獨盛於莆閩廣江浙淮甸皆祠  
也京畿艮山之祠舊傳監丞商公份尉崇德日感  
夢而建祠臨江滸前有石橋經久摧剝一日里人  
取涼於橋坐者滿地忽有白馬自廟突而出入悉  
駭散橋隨圯無一陷者人知神之為也開禧年  
間始建殿閣地褊且陋觀瞻未稱歲在下亥某調  
郡陞辭偶叨留行因白夕郎陳公卓割餐錢為  
倡貽書鄉之持麾節者咸遣助鄉之士友與鄰人  
八十八  
五十九  
咸淳臨志卷三十三  
十六

### 廣靈廟

在石塘埧 景定四年九月潮壞江塘里中耆老  
因立東嶽温太尉廟請于 朝賜廣靈為額 咸

淳五年有 旨封正佑侯餘自李將軍以下九神

皆錫侯爵李亨佑錢靈佑劉顯佑楊順佑康安佑

張廣佑岳恂佑孟昭佑韋威佑



梓潼帝君廟

在吳山承天觀

端平三年建

咸淳臨安志卷之七十三



咸淳臨安志卷之七十四



祠祀四

諸縣神祀

錢塘縣

城隍土地安邑侯廟

在縣治東廡

仁和縣

城隍廟

在縣治之東

餘杭縣

大邑小四三

咸淳臨安志卷之七十四

一

共列

城隍廟

在

高岡福善王廟

在縣東北一十五里舊志載故老之言云周赧王

廟也唐大曆二年縣西海塘壞邑人大恐走錢塘

縣崇化鄉觀山禱于赧王祠下水為絕流於是立

廟

太平靈衛王廟

在縣治神姓陳名渾嘗為令詳見廟記

記文

熙寧癸丑餘杭令扈大亮撰王自東漢熹平間嘗宰是邑百姓為之立祠後唐長興中封



太平靈衛王蓋餘杭為犬溪橫截而眾山之水合流其中每遇淫雨天目之源一決則湍悍奔溢勢不可禦邑人患之王以溪南大野其地汙下足以瀦水於是築塘環遶凡三十餘里號曰南湖即湖之西北鑿石門以通大溪鍾洩其水遂亡墊溺之患而又徙置縣治葺城池造舟梁置堰開壕至今賴其賜吏民有禱于廟無不響應 治平末縣令齊君雖新其廟貌然無以紀其實大亮書此于石以久其傳焉又有段主簿從祠其旁父老相傳云當時同開湖築塘者

### 諸葛史君廟

在縣南一十四里斷山

斷一作潭

下 祥符舊志云縣

人諸葛琮有賢德後漢時為河間太守居斷山卒葬其旁降神於巫能興雲致雨邑人廟而祠之唐正觀二年建乾化五年封永昌侯

### 仇王廟

舊志云在縣北一十五里仇山廟城周廻七里約

高一十丈有洗馬池靈雞堆養馬場 紹興二年

縣令張承嗣重建廟

### 祝文

嘗聞神者所以司土地守山川驅禽獸福生人也餘杭縣自去年冬連今秋虎暴者非一

神其知之乎人死者非一神其念之乎居易與師儒猥居牧宰慙無政化不能使渡江出境是用虔告于神惟神廟居血食非人不立則人神之主也獸神之屬也今縱其屬殘其主於神何利焉於人何辜焉若一酹之後神其有知即能輝靈申威服猛禁暴是人之福幸亦神之昭昭若人告不聞獸害不去是無神也人何望哉嗚呼正直聰明盍鑒於此長慶二年八月白文公

### 羅平王廟



在縣北八十里止戈鄉浮里村

### 臨安縣

城隍霸國侯王廟

在縣北

吳育春卿載錢尚父殺一小史後見夢因封為屬國侯永為臨安土地詳見後

吳越武肅王廟

在縣東後唐長興四年建一在縣西

保慶王廟

在縣南二里後唐同光二年置

安國興聖王廟

在縣南五里梁乾化三年置

大五八  
小四十二

咸淳臨安志卷七十四

三

梁

靈聖王廟

在縣東二十里後唐同光二年置

靈靜王廟

在縣東二十里後唐同光二年置

靈濟王廟

在縣北十五里晉開運二年置

降福侯廟

在縣東二十里光化二年置

寧陽廟

在縣東南三十里唐光名御舊三年置



安惠侯廟

在縣東北一十五里

廣愛侯廟

在縣西南二十里

崇寧侯廟

在縣西二十里

廉貞侯廟

在縣東五里乾化三年置

施善王廟

一本作歸善侯

在縣東南一十里

大六六  
小十五

咸淳臨安志卷七十四

四

知

懷柔王廟

在縣北三十里唐咸通十四年置

功臣山興國王廟

在縣南五里

衣錦山霸業王廟

在縣南五里

東天目開濟山王廟

在縣西三十里

西天目普惠王廟

在縣西四十里



永定王廟

在縣西北三里唐咸通十四年置舊志云本東晉  
虞府君也乾寧二年吳越武肅王奏乞追贈勅封  
濟安侯梁乾化三年加封永定王

永興王廟

在縣西北三里

五柳山王廟

在縣東北五里唐同光三年置

錢明王廟

在縣西南一十八里長興元年置

六四

咸淳臨安志卷二四

五

吳

廣慶王廟

在縣西北五里梁正明六年置

護國侯祠

在縣西三里

華石侯廟

在縣西南三里

柴府君廟

在縣南一十里

蜀山駱府君廟

在縣南二里



俞府君廟

在縣東南三里

烏支大王廟

在縣南八里

蔡明經廟

在縣東二十里後唐同光三年置

義成王廟

在縣東北一里後唐同光三年置

五通祠

在縣西五里

廿二

咸淳臨安志卷之十四

六

茶

顏堂廟

在縣西一十五里

石大郎廟

在縣東二十里

花府君廟

在縣東北二十里

陳府君廟

在縣東北一十里

前烏府君廟

在縣北七里



朗石水府君廟

在縣南三十里

秦山陳府君廟

在縣東五里

許明府君廟

在縣西二十五里

高陸府君廟

在縣北二十五里

胡博士廟

在縣東南一十五里

靈山鮑府君廟

在縣西五里

羅宅孔三官廟

在縣西五里

楊府君廟

在縣西三十里

葉府君廟

在縣西北三十五里

趙府君廟

在縣西北三十里



保寧侯廟

在縣西二十里咸通五年置

朱府君廟

在縣西一十八里

積慶王廟

在縣南三十五里 開慶元年建

彭祖廟

在縣東北一十里

靈澤廟

在徑山能仁寺去縣五十里即唐國一禪師開山

四十五

咸寧臨安志卷二十四

八

時所現龍神也每歲兩暘愆期邑人禱之多應

紹興八年賜靈澤廟額累封為顯應孚佑昭濟龍

王

錢王太廟

在縣東

題詠

金華王竹寮執禮遊錢王太廟 數間老屋

半歌顏宗祐雖存沒草萊尚有遺民呼太廟  
可堪游鹿上荒臺花開陌路空餘恨麥被陵陂  
不盡哀三節還鄉平日志化為杜宇定歸來

於潛縣

城隍廟

舊在白雲庵下

隆興初葉衡宰邑徙于縣西酒



務之側

徐縣尉尹保義有捍禦方寇金虜之功因繪像祠于廟廡名曰全節

### 昭應廟

在縣北四十五里舊志云天目龍王祠也 崇寧

三年賜昭應廟額 政和三年封淵源侯累封至

今為廣佑靈濟昭應孚惠王

### 普惠大王廟

在縣北四十五里梁乾化五年吳越奏封西天目

山神云天目山眾聖共居百藥所出自臣討伐克

徒之時皆降陰兵佑助乞依神廟例封山王

### 靈惠廟

三五十五

咸淳臨安志卷七十四

九

梁

在縣西南三十五里係浪山龍祠 紹熙四年令

邵文炳具述靈應 嘉泰元年 勅賜今額

### 徐偃王廟

在縣西十五里一在縣南三十里元和姓纂載偃

王之後居於潛為杭望族有偃王祠皆徐氏所建

### 任府君廟

在縣南三十五里一在縣南門外接梁任昉字彥

昇嘗為新安太守為政清省吏民便之百姓立祠

於潛新安舊皆隸丹陽故皆有祠

### 虞將軍廟



在縣北二十一里

柯相公廟

在縣西南三十五里

東嶽別廟

在縣西北三星觀山

祠山別廟

在縣東一里南陽山

三賢祠

在縣西一里野翁亭之右刁璠王國華為令有德

政東坡倅杭行縣至潛皆為賦詩一云三年吠犬

二二六

咸淳臨安志卷十一四

足生菴一云蝗自識人人不識道其實也 慶元

初令趙彥倓立蘇刁祠名二賢堂至 開禧二年

令胡衛增毛長官像改曰三賢堂以春秋上下遣

學職祭之

二賢祠

在月池北 嘉泰三年令晁百談以前令葉丞相

衡嘗為民除無名錢邵中書文炳減山鄉折米之

直因民之思立是祠

富陽縣

城隍廟



在縣治東

嚴先生祠

在觀山 淳祐乙巳令李迪建有堂曰耕春

東嶽行祠

在縣東北一里

靈惠廟

在縣西一里一百二十步按郭氏家譜云侯名成字元禮仕吳為黃門侍郎封永興富春二縣侯後人因為立祠封昭福侯祈禱多應 嘉熙四年勅以靈惠為額封英濟侯

大六小三五

咸淳臨安志卷七十四

七

頁八

赤松子廟

在縣東一十里晏元獻公輿地志赤松子得道駕

鶴嘗停于華蓋山有廟水旱禱多應赤松子神農時兩師也嘗

至崑崙山止西王母石室中隨風雨上下

張明府廟

在縣北十里祥符舊志云明府嘗宰是邑百姓德之為立祠堂歲旱禱即應祠下有泉水遇旱不竭

通聖侯廟

在縣南十五里舊名宋明王廟五代末縣令陸仁璋因祈禱有應申請封為通聖侯



護邑侯廟

在縣北十五里每遇水旱禱之多應州縣申請封護邑侯

祠山行宮

在通濟橋西

五顯王行祠

在永寧寺後

新城縣

城隍廟

在縣郭

東嶽行廟

在縣西半里

廣利廟

在縣北五里地名松溪神姓朱諱徹字仲通仕晉為分水令與郭文為友既卒溪中忽有靴泝洄而上者數四居人異之乃即靴之所止立廟吳越錢氏封為安境通靈侯 政和四年賜額廣利 宣和三年封威顯侯

靈休廟靈佑廟

在縣治按神張氏范氏睦寇竊發二神俱陰庇是



邑 宣和三年以江浙淮南等路宣撫使之請  
賜廟額張曰靈休范曰靈佑  
靈惠忠烈侯廟

在縣一里塔山唐許遠廟也遠新城人

詳見人物門

乾道三年知縣景秉申請于 朝賜額靈惠封忠  
烈侯

周侯廟

在太平鄉一十三里地名淶渚 淳祐間 勅賜  
輔德廟為額封翊應侯後加宣靈

五通廟

在縣之西

杜太師廟

在縣西一里按神諱稜為吳越錢王行軍司馬梁  
光化二年勅許立祠歲久廢壞僧智澄為重立於  
護國院

潘將軍廟

在祥禽鄉換塘本吳越錢氏之將

蕭將軍廟

石府君廟

在廣陵鄉



版村陳女仙廟

雞鳴山福民侯祠

苦竹崇福侯祠

杜澤濟民侯祠

後村富民侯祠

下泊應瑞侯祠

上汪壓境侯祠

凌村保民侯祠

丫港積善侯祠

馬鞍山安民侯祠

十九

咸淳臨安志卷十四

十四

貢鄉

百丈山興慶侯祠

汪賴普慶侯祠

張貞外祠

白石府君祠

在南新鄉

羅明府君祠

牢山府君祠

在新安鄉

葛泰山祠

在廣陵鄉



朱明府君祠

裏筭章明府祠

在寧善鄉

已上神祠自蕭將軍而下皆莫詳始末以鄉民祈禱所趨姑存之

鹽官縣

城隍廟

在縣東

許國公廟

在縣西半里梁大同二年建

縣志云雍熙四年建

後增祀

咸淳臨安志卷七十四

十五

梁

張中丞亦號雙廟 大觀二年賜睢陽廟額協忠

封許遠忠義侯張巡忠烈侯南霽雲忠壯侯賈賁

忠濟侯雷萬春忠勇侯 紹興八年鹽官令胡玘

與邑人禮部侍郎張九成接以請于 朝併增祀

南霽雲雷萬春姚闓 詔許之皆賜上公爵今謂

之五國公廟前後邑令修崇惟謹 咸淳三年令

吳由始以十月十六日率邑官寓士祭于廟識公

盡節之日也邑人揚均作侑祭樂歌迎神辭

歌辭迎神 月維良兮日既望 鴈淒淒兮靡草黃 潔脣俎兮芬桂觴 導迎生氣兮睢之陽 龍媒

躑躅兮元雲翔 佇想五公兮下瑤堂 俊知在兮曠 祀舉肅雍贊列兮羅簪裳 奠幣 許國公 至德



元禩兮王正錫之弓履兮干于宋城負君恩兮稱  
兵奮雌鯢兮雄鯨奪吾峙以資叛兮士靡半菽而  
呼癸庚彼伯仲以視予兮吾求急於寧陵嗟血戰  
以百數兮救一絕而壘傾全本根於江淮兮固  
死而實生撫乾斗之庚申兮招神爽於千齡廟食  
故鄉兮垂休炳靈張國公招有烈真源兮雍丘  
起事哭元廟以討逆兮設帝像而誅貳流睢橫潰  
兮吾惟其砥乘堞雅評兮故欲死椎牛薦妾兮  
淚士如洗甲食累瘡兮戰百勝而攻不已人畜盡  
烹兮兵餘其幾西嚮拜啓兮臣力竭矣生不全城  
兮為厲為鬼英槩不泯兮于千萬世孤墉相守誓  
烈烈東平相之裔歷尉而守從知己孤墉相守誓  
以死路府元戎澤其子血食睢祠繪凌煙哀兮榮  
兮其兩至南國公挺忠壯兮頓丘義有合兮  
身留冒圍鐵兮乞師對宴樂兮不屈渠違公兮作  
指莫之救兮度劉固將死兮不憂徒示信兮齧  
靈連蟠兮於蘼羗朔吹兮驄颺雷國公兮儼忠  
勇兮在唐守雍丘兮毅以彊六弩着面兮目不逃  
將軍令肅兮敵心降壓騎四百兮走披猖城隳身  
殞兮鴻毛輕千載廟祀兮休有烈光三獻詞霜

咸寧臨安志卷十四

十六

梁

### 東嶽行祠

在縣東南二里

### 朝宗王廟

在縣西南七十里

### 白馬王土地廟

天曉角初獻丹楹轉月金繡紛幢鉞勛在有  
唐宗社人千載仰英烈維辰嗟盡節故里昭虔  
揭靈御雖離來下啟初蘼俎羞潔亞獻當年  
宋壁血壅河流赤全護東南形勝百易萬五神  
人心同奮激立此生民極哀角載歌霜曉剡瓊  
聖容懌猶身見古顏色惟馨非黍稷穆穆歆明  
風餘灑芳彝須醉迴雲旒佑鄉國送神穆穆歆  
德輦禮具靈祀迴雲旒佑鄉國送神穆穆歆明  
終禮具靈祀迴雲旒佑鄉國送神穆穆歆明  
霄馭人祇分福祉聚



在縣北二里舊云金人犯境見田野間白馬甚衆  
竟不敢入

臯蘇將軍廟

在縣東八十二里金牛山下相傳臯蘇二將逐黃  
巢死之因祠焉 紹興十年歲旱禱兩應 勅賜  
福濟廟額

烏龍大王廟

在縣東八十二里金牛山下 紹興十一年禱兩  
應 勅以崇祐為額

徐偃王廟

在縣西十七里

西楚霸王廟

在縣西三十二里

秦王廟

在縣東一十八里

驃騎蘇將軍廟

在縣東南四十五里

翁使君廟

在縣南二里

闕少卿廟



在縣西南六十里

昌化縣

城隍廟

在縣西北一里

東嶽行祠

舊在縣南過溪二里後併入上清宮 開禧二年

荆

祠山行祠

在縣東南二百步上清宮之西 紹熙二年令張

任荆

靈山行祠

在縣東南上清宮之東即徐偃王祠衢人有客唐山者始像而祠之 慶元間令趙諒因為建廟諒

亦衢人

靈顯五侯廟

在縣東五里溪橋上路轉山回林木蓊鬱挹湍流依峭壁廟貌甚偉威靈茂著焉

伍子胥廟

在縣南二十五里覽川

瀟溪廟



在縣東北一十五里盛村舊傳其神子胥之族

柯相公廟

在縣西七里西晚村舊傳為錢氏將

平葛西廟

在縣西四里

高樂廟

在縣西二十里

桂王廟

在縣西八里

蕭王廟

十四小十七

咸淳縣志卷七十四

十九

再

在縣西九十里

柳相廟

柳音留縣有柳相山

在縣東南一十五里

沙幕廟

在縣南一十里

惠山廟

在縣南一十五里

櫃村廟

在縣西一十七里

上博廟



在縣東南一十九里

管杜廟

在縣南三十里

姜公廟

在縣南四十五里

龍池廟

在縣西六十里

百丈廟

在縣北二十五里

湍口廟

在縣南四十里

泥晶湖廟

在縣東南五里

朕公廟

在縣南三十里有石塘村後有山盤踞平妥而極大朕公城在其上城基回環如帶及有造軍器之所歷歷可辨有拾得石鏃金刃者天陰晦或聞戈甲鼓笛聲朕公者舊傳爲錢氏將出戰回未及故城死於赤石遂葬其地

咸淳臨安志卷之七十四









